

醫

學

綱

目

醫學綱目卷之十六

心小腸部

心痛

卒心痛

胎前心痛

產後心痛

諸般氣痛

寒熱

丹心痛即胃脘痛凡心痛必用溫藥此是鬱結不行阻氣不運故痛在下者多屬食宜溫利之大凡心膈痛須分新久若明知身受寒氣口喫寒物而得者於初得之日當與溫散或溫利之

身受寒氣宜溫散

溫散謂治身受寒氣於外者如陳無擇麻黃桂枝湯治

外因心痛之類是也

方見表降

溫利謂治口食寒物於裏者如仲景九痛九潔古煮黃

口食寒物宜溫利

九治大實心痛之類是也

方見表降

久病為熱宜散之

若曰病得之稍久則成鬱久鬱則蒸熱熱久必生火原病式中備言之矣若欲行溫散溫利寧無助火添病耶由是

方中多以山梔為熱藥之向導則邪易伏病易退正氣復而病安矣然病安之後若恣縱口味不改前非病復作時乃委咎於醫悞也大槩胃口有熱而作痛非山梔不可須薑汁佐之多用台芎開之用山梔炒去皮每十五枚煎濃湯一呷入薑汁令辣再煎少沸吞九枚加川芎一錢尤妙又方用山梔去殼炒黃為末以薑汁調粥丸有寒者加草薢薏末丸服之

又方治氣實心痛

山梔

去殼炒香附錢

茱萸

錢一

右為末炊餅九如花椒大以生地黃用酒洗淨同生薑煎湯下廿九外用胡椒草撥各半兩為末以醋調捏成九子吞之

心痛方

黃連

炒

山梔

炒

茱萸

各五錢

荔枝核燒存性為末三錢 滑石

右為末薑汁化炊餅為丸

又方治心痛

白朮 白芍藥 砂仁 半夏

當歸各三錢 桃仁 甘草 黃連

神麴炒 陳皮 吳茱萸各一錢半 薑

人參一錢

又方二陳湯加川芎蒼朮倍加炒梔痛甚者加炒乾薑此從治反治之法

暴病為寒宜溫之

保寒厥心痛者手足逆而通身冷汗出便利溺清或大便利而不渴氣微力弱急宜以朮附湯溫之寒厥暴痛非久病也朝發暮死宜急救之是知久病非寒暴病非熱也朮附湯治寒厥暴心痛脈微氣弱附湯也

附子

炮去皮一兩白朮四兩

甘草

炙一兩

右麤末附子令勻每三錢水一盞半薑五片棗一枚煎至一盞去渣溫服食前

羅胃脘當心而痛治驗 漕運使崔君長男雲卿年二十五體本豐肥奉養膏粱時時有熱證友人勸食寒涼物因服寒藥至元庚辰秋瘧發醫以砒霜等藥治之新汲水下禁食熱物瘧病未除反添吐瀉脾胃復傷中氣愈虛腹痛腸鳴時復胃脘當心而痛不任其苦屢醫未效至冬不瘥延至四月間勞役煩惱過度前證大作請予治之診視脈得弦細而微手足稍冷面色清黃不澤情思不樂惡人煩冗飲食減少微飽則心下痞悶嘔吐酸水每發作冷汗時出氣促悶亂不安須人額相抵而坐少時易之予思內經云、中氣不足溲便爲之變腸爲之苦鳴下氣不足則爲痿

厥心寬又曰寒氣客於腸胃之間則卒然而痛得熱則已非其辛大熱之劑則不能愈遂製一方名曰扶陽助胃湯

附子

炮去皮二錢乾薑炮一錢半

草薢

益智仁

揀參

甘草

官桂

白芍藥各一錢

吳茱萸

陳皮

白木各五分

內經曰寒淫於內治以辛熱佐以苦溫附子乾薑大辛熱溫中散寒故以為君草薢益智仁辛甘大熱治客寒犯胃為佐脾不足者以甘補之炙甘草甘溫白木陳皮苦溫補脾養氣水挾木氣亦來侮土故作急痛桂辛熱以退寒水芍藥味酸以瀉木來剋土吳茱萸苦熱泄厥氣上逆於胸中為使右剉如麻豈大都作一服水二盞薑三片棗二枚同煎至一盞去渣溫服食前三服大勢去痛減半至秋先灸中脘三七壯以助胃氣次灸氣海百餘壯生發元氣

滋榮百脈以還少丹服之喜飲食添肌肉皮膚潤澤明年
春灸三里二七壯乃胃之合穴亦助胃氣引氣下行又以
芳香助脾服育氣湯加白檀香平治之戒以懲忿窒慾慎
言語節飲食一年而平復

自熱足
本煩躁
為熱者

保熱厥心痛者身熱足冷痛甚則煩躁而吐額上自汗知
為熱也其脈洪大宜灸太谿崑崙表裏俱瀉之是為熱病
引熱下行汗通身出者安也灸後與金鈴子散痛止服枳
實白朮丸去其餘邪也

金鈴子散治熱厥心痛或作或止久不愈者

金鈴子

玄胡索各一兩

右為末每服三錢酒調下痛止與枳朮丸

外療峭心痛熊膽如大荳許和水服大效

本草熊胆味苦寒

寒飲

仲心中寒者其人病心如噉蒜狀劇者心痛徹背背痛徹

心譬如蠱注其脈浮者自吐乃愈

經云寒氣客於背俞之脈則血脈澁血脈澁則血虛血虛則痛其俞注於心故相引而痛按之則熱氣至熱氣至則痛止矣此亦寒氣客心背而痛也

心痛徹背背痛徹心烏荳赤石脂丸主之

蜀椒兩一

烏頭炮一分

附子炮半兩

乾薑炮一兩

赤石脂兩一

右五味爲末蜜丸如桐子大先食服一九日服三不效稍加服

胸痺不得臥心痛徹背者栝蒌薤白半夏湯主之

栝蒌實枚

薤白三兩

白酒一斗

半夏半升

右四味同煮至四升服一升日三服

心胸中大寒痛嘔不能飲食腹中寒上衝皮起出見有頭

足上下痛而不可觸近大建中湯主之

蜀椒

二合
去汗

乾薑

兩

人參

二兩

右三味以水四升煮取二升去查內膠飴一升微火煎取一升半分溫再服如一炊頃可飲粥二升後更服當一日食糜溫覆之

心中痞厥逆心懸痛桂枝生薑枳實湯主之

桂枝

生薑

各一兩

枳實

五兩

右三味以水六升煮取三升分溫三服

聖治寒疝心痛四肢逆冷全不飲食用桂心二兩去皮搗羅爲散不計時候熱酒調下一錢匕

世果附湯治寒氣心痛

附子

草果

良薑等

以酒煎服立效

羅二薑丸養脾溫胃去冷消痰大治心脾疼寬胸下氣進飲食及一切冷物所傷並皆治之

乾薑炮

良薑

右等分為細末麪糊丸如桐子大每服十五丸至二十丸食後陳皮湯姪娠婦人不宜服

右方辛甘熱以散寒結

世治心痛累效水梅一箇去核生硫黃為末相和搗勻以可丸為度作一丸白湯下立愈病不再作

右方酸熱以收散寒凡服辛劑反甚者改服酸劑立愈也

用客寒犯胃草薺丸主之熱亦宜用止可一二服

草薺薺

一錢四分炒黑

吳茱萸

湯泡洗

益智仁

傷蠶炒

歸身

青皮

各六分

神麴

薑黃各四分

生甘草三分

桃仁去皮

半夏

湯泡七次一錢

澤瀉

一錢小便利減半

麥蘖

炒黃一錢半

炙甘草

六分

柴胡

四分詳下

人參

黃芪

陳皮

右一十八味除桃仁另研如泥外為極細末同研勻湯浸炊餅為丸如桐子大每服三十九丸熱白湯送下食遠旋斟酌多少用之

監縣之閤年五十餘春末心脾疼自言腹脹滿手足寒過肘膝須綿裹火烘胸襟畏熱却喜掀露得風涼則快脈皆沉細而澁稍重則絕輕取似弦而短口渴乾而喜熱飲穀肉全不食遂以草薢薤九三倍加黃連滑石炒神麴為丸白朮為君茯苓為佐陳皮為使作湯送下一百丸服至二斤諸証皆愈

虛寒

以物柱按而痛者挾虛以二陳湯加炒乾薑和之

按之痛止者為虛治法並見寒心痛條丹溪云薑豈煎丸

治氣饒弱人心痛方見寒熱通用條

神九痛丸治九種心痛

附子三兩

生狼牙一兩巴荳一兩炒研如脂

人參

乾薑

吳茱萸各兩

右六味為末煉蜜丸如桐子大酒下強人初服三九日

三服弱者二九兼治卒中惡腹脹痛口不能言又治連

年積冷流注心胸痛併冷腫上氣落馬墜車血疾等證

皆主之忌口如常法

寒實

潔煮黃丸治大實心痛方見飲

藁本湯治大實心痛大便已利宜以此徹其痛也

藁本兩

蒼朮兩

右剉每服一兩水二盞煎至半盞溫服

右寒實

熱實

仲按之心下滿痛者此為實也當下之宜大柴胡湯

方見傷寒

子和一將軍病心痛不可忍戴人曰此非心痛乃胃脘當

心痛也內經曰歲木太過民病胃脘當心而痛乃與神祐

丸一百餘粒病不減或曰此胃脘有寒宜溫補不宜與涼

劑將軍素知戴人明了復求藥於戴人戴人復與神祐丸

二百粒作一服大下六七行立愈

神祐丸方見水腫門

右熱實

食積痛

丹蔣氏子年十六久瘧方愈十日而心脾大痛兩手脈皆

伏痛稍殺時氣口緊盛餘脈皆弦實而細予曰此宿食也

詢之因食冷油煎堆子遂以小胃丹津嚥十餘粒仍斷飲

食經三日凡與小胃丹十二次痛不作至晚下忽大痛連

及兩脇予曰此必與穀太早間之果然遂斷其飲食亦與藥蓋宿積已因小胃而稍解其痛又因新穀與餘積相併而復作若又攻擊必大傷胃氣所以不與藥又斷食三日其家大恐以為不救時有怨言予曰六日不能思食強禁不與方成惡候待其索食與之又須較量方可至夜更餘心嘈索食予先用白朮黃連陳皮作丸子遂以熱湯下七八十九以除其嘈雜若以為飢而與粥其痛必如前矣其家苦欲與予詢病者隔間莫尚問否答曰我纔飢作必繼之薄悶今雖未甚快然亦未嘗思食過兩時許又索食予以前丸與之如是者又一晝夜飢不再作人亦昏困思睡予教以用稀粥減平日之半兩日禁其雜食調理半月而安

安

小胃丹方見飲食內傷

保心痛用小胃丹津下十五丸

右漸除熱宿食積法

世木香丸治食積心痛

木香

丁香

三稜

蓬朮

青皮

陳皮二錢半

檳榔二錢

白芷一錢

巴豆肉

十五粒用醋煮令無白心

右末醋糊丸麻子太

本治一切積聚有飲心痛礪砂丸

礪砂

三稜另

乾薑

香白芷

巴豆

去油各半兩

大黃另

乾漆各半兩

木香

青皮

胡椒各一分

檳榔

肉苁蓉各一

右為細末，醖醋二升煎五七沸，後下三稜、大黃末同煎五七沸，入礪砂同煎成膏，稀稠得所，入諸藥和勻，杵丸如菰豇大年，深成塊，生薑湯下，四五丸，食積熱水下白

痢乾薑湯下赤痢甘草湯白痢當歸湯蔥酒亦得

厚朴丸紫苑丸治積聚心痛厚朴丸方見雜醫

心傷痛

仲心傷者其人勞役即頭面赤而下重心中痛而自煩發

熱臍跳其脈弦此為心臟所傷也

外因痛

丹心痛輕者散之麻黃桂枝重者加石碱用川芎蒼朮炒

山梔作丸服

桂枝 麻黃 石碱

右為末薑汁浸炊餅為丸桐子大熱薑湯下十五丸如

服丸數多又治痰飲

無麻黃桂枝湯治外因心痛惡寒發熱內攻五臟拘急不

得轉側

麻黃去節湯 桂心 芍藥 細辛去苗

乾薑 甘草炙各七錢半 半夏 香附各五錢

右剉每五錢水盞半生薑五片煎七分去查食前服大便秘入大黃量虛實加減

世治心疼甚效

檳榔

桂心

葛根

甘草

細辛

半夏

桔梗

枳殼

川芎

防風

右等分惟甘草半之水煎服有人心疼諸藥不效服此愈

內因痛

丹青巖劉山長子年三十六歲得心疼十八年矣因酒飲牛乳病發時飲食無碍得病八年後盛暑及沐浴飲食時皆無汗中間更醫不一悉以丁附諸丹等熱藥治之至是黃瘦食減若不勝衣痛作時須以一物拄之診其脈皆三至弦弱而瀼米風先寒大便或閉或泄最苦是胸膈吞酸

七月內遂以二陳湯加白朮黃連黃芩桃仁郁李仁澤瀉
每旦用此藥飲而出之所吐皆苦黑水雜以如浸木耳片
者此日却再與兩貼飲而不出如此兩月近二百餘貼瀝
脈漸退至數漸添忽一日診其脈純弦漸有充滿之狀時
正立冬後頗暄暖意其必欲作汗又意其血氣未充汗難
以發以人參黃芪芍藥當歸陳皮半夏甘草調理二日此
時痛雖緩每晝夜一二作至第三日與麻黃蒼朮當歸川
芩甘草等藥纔下咽目上視口噤而無神色予呼之不應
見其四肢不收急以左手抱其頭就坐於床以右手拇指
捻其人中須臾而愈通體汗如雨自此痛不復作但人倦
食未增耳續又大爲噤酸所苦每一晝夜六七作其作時
有一酸塊自胸膈間直衝上咽喉情狀極惡遂悉罷諸藥
以黃連濃煎取冷俟酸塊欲上時以冷黃連汁數滴與之

卽回如此六七次半日許其塊亦除於是罷藥淡粥調養
又近三箇月時以立春節旬餘中脘處微有脹急面帶青
色氣息喘促時天氣尚寒意謂脾土因久病衰弱水氣行
令此肝凌脾急以索矩三和湯與之至四日而安

一婦人年四十餘歲因二十年憂患後心痛或可按或不
可按食甚減口渴而不能飲水形瘦骨立心痛止則頭痛
作其痛無常處頭痛止則心痛作夜間全不寐大便七八
日一行堅小而黑而出亦難累與四物加陳皮生甘草前
後約百餘貼病雖不增却無退減予曰此肺久爲火所鬱
氣不得行由是血亦畜塞遂成污濁氣壅則頭痛血濁不
行則心痛通一病也治肺當自愈遂倣東垣方清金膏側
細切酒炒透令赤色爲細末以熱白木湯調下頭上稍汗
如此十餘貼漸漸汗至通身及膝而止諸病皆愈因其膝

重痛

下無汗形瘦病久小便數大便澁兩手皆見澁脈當議補血以防後患問其又思水而不飲遂與四物加陳皮生甘草桃仁酒苓以補之遂安

羅化虫丸

鶴虱

檳榔

胡粉炒

苦楝根去厚皮各

五十兩

白礬二十兩

右為末麪糊為丸桐子大小兒疾病多有諸虫或因臟腑虛弱而動或咽食甘肥而動動即腹中疼痛往來上下攻心痛則笑不休合眼仰身撲手心神悶亂嘔噦涎沫或吐清水四肢羸困面青色黃飲食雖進不生肌肉或寒或熱沉沉默默不的知病處一歲兒服五丸溫漿

下入香油一兩點打勻下之米飲亦得其重自下

保妙香丸治男子婦人心痛強中搐熱如癇狀方見

風癇者羌活湯引下妙香丸羌活湯方見諸風條血癇者當歸湯

引下妙香丸當歸湯方見諸血條

丹虫痛者面上白斑唇紅能食治用棟根錫灰之類脈堅實不大便者下之

羅補金散治諸般虫

鶴虱生

雷丸

定粉

錫灰已上各等分

右爲末每服三錢空心少油調下又用猪肉一兩燒熟
摻藥在上細嚼亦得用翎毛掃甘遂末一錢與前藥一
處服之其虫自下

本治寸白虫方黑鉛灰炒四錢一服先喫猪肉脯少許一
時來却用砂糖濃水半盞調灰五更服虫盡下白粥將息

一日良

又療寸白虫用錫灰蕪荑檳榔者極佳予宜和中每覺心中多嘈雜意欲作飲又疑虫漫依此方所說翌日下長虫二條一長二尺五寸頭扁闊尾尖銳每寸作一節斑如錦紋一條皆寸斷矣千金謂勞則生熱熱則生虫心虫曰蛔脾虫曰寸白腎虫如方截絲綫肝虫如爛杏肺虫如蚕皆能殺人惟肺虫為急肺虫居肺葉內蝕人肺系故成瘵疾咯血聲嘶藥所不到治之為難道藏中載諸虫頭皆向下行唯自初一至初五以前頭上行故服藥多取月朞以前蓋為此也

取寸白虫方

書粉

密陀僧

各等分

右為末每服二錢用麻油調服空心下頃刻成涎取下取寸白虫

錫灰兩

木鱉

蘆薈

二十文

黃丹

文十

輕粉

文十

右為末猪膏油丸如桐子大先齋一日晚莫喫飯次早

五更溫水調下分作二服

制虫制勞悅肌膚去勞熱

檳榔

半一兩

龍膽草

一兩

乾漆

半兩

右為細末煉蜜丸如桐子大每服十九至十五丸熟水

吞下

張仲文治寸白虫熬胡粉令燥平旦作肉臃以藥方寸匕

入臃中服之效

丹治諸虫棟皮細末米飲調下二錢匕

斗門方

主脾胃有虫食即痛而黃無色疼痛無時以石州燕黃

仁二兩和麴炒令黃色為末非時米飲調二錢匕瘥

經治諸虫主之方也為末蜜丸平旦漿水服二

十九愈千金方爲末空心溫醋湯下虫當出

經宿宿食冷多寸白虫每朝空心熱酒調山荳根末三錢服之其虫自出

簡治諸虫在臟腑久不瘥檳榔半兩炮搗爲末每服一錢至二錢愈蜜煎湯調下空心

外療蛔虫心痛惡心吐水乾漆熬搗蜜丸服十五丸日再服

范旺治寸白虫方狼牙五兩搗末蜜丸麻子大隔宿不夜食明旦以漿水下一合服盡愈

大治寸白虫以酸石榴東引根一握淨洗細剉用水三升煎取半碗已下去查五更初溫服盡至明日取下虫一大團永絕根本一日喫粥補之

本金櫻東行根治寸白虫剉二兩入大米三十粒水二升

煎五合空心服須臾瀉下

干治寸白虫、茱萸根洗去土四兩切以水酒各一升漬一宿平旦分再服凡茱萸皆用細根東北陰者良若稍大如指已上者皆不任用

食治蛔虫心痛面青口中沫出取臨水扁蓄葉一斤細切以水三斗煮如餲去渣空心服一升虫即下至重者再服仍通宿不食來日早明服之效

本取寸白虫苦絲瓜不以多少研為末每服二錢好酒二盞空心調服

所木香三稜散治腹中有虫面色痿黃一切積滯

黑牽牛

半生半炒

大腹子

多

檳榔

雷丸

錫灰

醋炒

三稜

煨

蓬朮

煨

木香

大黃

已上各一兩

右爲細末每服三錢空心用蜜水調下或砂糖水亦可
須先將燒肉一片口中半嚼之休嚥下吐出口中肉汁
後服藥

右方有攻性而下重者

本崔元亮海上方治一切心痛無問新久以生地黃一味
隨人所食多少搗取汁投麪作餅飪或冷淘食良久當利
出重長一尺許頭似筆管後不復患至元十年通事舍人
崔抗女患心痛垂氣絕遂作地黃冷淘食之便吐一物可
方一寸如蝦蟆狀無目足等微似有口蓋爲此物所苦自
此頓愈麪中忌用鹽

吐治蛭虫吐清水氣口刺痛取生艾汁隔宿勿食以肥香
脯方寸片先喫令虫聞香次卽飲一升必下蛭虫胸喉中
覺有虫上下偏喜聞蔥豉油食之香者兩三日不食開口

而臥將油煎蔥鼓令香放口邊虫當自出引而去之但隨所喜物用之亦可

世治心痛稀荻草搗汁醋和服之效有人服此吐虫二條終身不發

子和酒官楊仲仁病心氣痛此人常好飲酒初飲二三杯必奔走三五十次其酒稍散方能復席飲至前量醉後至明日嘔清黃水數口夜變魚腥臭六七日始安戴人曰宜吐乃吐虫一條青黃色長六七寸口目鼻俱全二目膜瞞狀如蛇類楊醃乾示人

吐虫爲病令人吐涎心痛發作有時毒藥不止甘草粉蜜湯主之

甘草

兩二

粉

兩一

蜜

兩四

右三味以水三升先煮甘草取二升去渣內粉蜜攪令

和煎如薄粥溫服一升瘥即止

孫向大王宮中有一宮人七太尉所寵也忽患一疾凡惡心則吐虫數條後乃頻作七太尉甚愍之累治不瘥每用殺虫藥則吐虫愈多召孫診之孫曰六脈皆細非虫脈也今雖吐虫乃臟寒而虫不安失居上膈因而吐出復用殺虫藥虫爲藥所苦不能自安所以吐虫愈多也孫遂用藥不三五服皆一色丸子虫遂不吐明日再召孫至六脈漸大進前藥其病不作後求方乃硫黃附子各一兩並末粳米糊爲丸每三十九米飲下

仲烏梅丸治

方見傷寒陰病

氣痛

河正氣天香散治心痛但忍氣則發者

方見氣痛門

血痛

丹心痛脈澀者有死血又云作時飲湯水下作吃者有死血桃仁承氣湯下之

方見傷寒

凡治證必要先問起居何如

假如心痛有因平日喜食熱物以致死血留於胃口作痛用桃仁承氣湯下之切記輕者用韭汁桔梗能開提其氣血藥中兼用之

經失笑散治婦人心痛氣刺不可忍五灵脂淨好者蒲黃等分爲末每二錢用黃醋一杓熬成膏再入水一盞煎至七分熱服效

世手拈散治心脾疼極驗詩云草果玄胡索灵脂并沒藥酒調三二錢一似手拈却又治心痛劉寄奴末六錢玄胡索末四錢薑汁熱酒調服妙

簡治九種心痛腹脇積聚滯氣筒子乾漆二兩搗碎炒出烟細研醋煮麪糊和丸如桐子大每服五丸至七丸熱酒下醋湯亦得服無時

外治心痛當歸爲末酒調服方寸匕

痰痛

丹治心痛亦能治哮喘半夏研碎香油炒薑汁炊餅為丸
薑湯下二十九

五味醃更堅條海蛤丸寒條栝蒌半夏韭白湯表條桂麻
石碱丸皆治痰飲心痛之妙劑也

世治心痛累效陳年白蠅螺殼洗淨為末熱酒調下一錢
半即愈

丹一味牡蠣粉酒調下二錢氣實者可用

治痰飲心痛海蛤丸

海蛤此為炙研極細過瓜蒌仁帶穢

右以海蛤入瓜蒌內乾濕得所為丸每服五十丸

又方治脾寒海蛤粉佐香附末用川芎山梔生薑汁煎辣

湯調服為佳

手治血氣攻心痛不可忍以蓼根剉酒浸服之痰

雜方

世心痛枯礬辰砂少許每半錢人參湯調下 一方用白礬辰砂糊丸好醋吞下神效 又方辰砂一味研好醋調服效 又方用白礬爲細末每服一錢茶調下

外黃連湯肘後龍膽酒

並見卒心痛熱條

仲粉蜜丸脾受肝制而急故亟不安用粉蜜之甘緩以安之

方見重條

蓋少陽所謂心脇痛者言少陽盛也盛者心之所表也九月陽氣盡而陰氣盛故心脇痛也所謂不可反側者陰氣藏物也物藏則不動故不可反側也

脈解篇

蠶沙散治男子婦人心氣痛不可忍者晚蠶沙不拘多少爲細末用滾湯泡過濾淨取清水服之立止 又方黃荊子炒焦爲末米飲調下亦治白帶 治心痛用洗淨玉簪花根搗濃汁雜和好酒一半熱服

運氣

干治心腹俱痛以布裹椒薄注腹上火熨令椒汗出良
運氣心痛凡熱風濕寒燥五氣之初皆能干心而痛蓋心
爲五臟之主故也

一曰熱邪干心經云少陰司天熱淫所勝病心痛肺脹又
云少陰之復暴瘧心痛又少陽之勝熱客於胃煩心心痛
又云陽明司天燥氣下臨暴熱至甚則心痛此在泉之熱
爲痛治背以寒劑是也

二曰寒邪干心經云太陽司天寒氣下臨甚則心痛又云
陽明司天之政四之氣寒雨降病心痛又云歲水太過民
病上下中寒煩心躁悸心痛又云歲金不及炎火乃行復
則寒雨暴至心痛又云水鬱之發民病寒客心痛又云太
陽司天寒淫所勝病厥心痛又云太陽之復心胃生寒心
痛痞滿又云少陽在泉主勝則熱反上行而客于心心痛

蓋終之氣寒勝其客也又云歲火不及寒乃大行病鬱胃
蒙昧心痛又云太陽之勝寒厥入胃則內生心痛皆治以
熱劑是也

三曰風邪干心傷胃經云少陽司天之政終之氣風乃至
心痛又云少陽司天風行于地心痛胃脘痛噎不通又云
歲水不及濕乃大行復則暴風大發高中痛於心腹又云
木鬱之發民病胃脘當心而痛噎咽不通又云厥陰在泉
風搖所勝心痛支滿又云厥陰司天風搖所勝胃脘當心
而痛又云厥陰之復厥心痛又厥陰之勝胃脘當心而痛
治皆以涼劑是也

四曰濕邪干心經云土鬱之發心痛脇脹又云太陰在泉
濕淫所勝病飲積心痛又云太陰之勝火氣內鬱心痛熱
格治皆以熱劑是也

五曰燥邪干心經云陽明之復善太息心痛痞滿治以溫劑是也

六曰寒熱中于心經云少陰司天之政寒熱凌犯而爭於中寒厥入胃心痛三之氣大火行寒氣時至民病氣厥心痛治分寒熱多少調之是也

針灸

厥心痛者他臟病干之而痛皆有治也真心痛者心臟自病而痛故夕發旦死旦發夕死無治也然心臟之經絡有病在標者其心亦痛而有治經云心手少陰之脈是動則病噤乾心痛渴而欲飲又心主手少陰之脈所生病者心痛掌中熱皆視盛虛寒陷下取之又經云手心主之別名曰內關去腕二寸出於兩筋之間實則心痛取之兩筋間也又云邪在心則病心痛喜悲時眩仆視有餘不及調其俞是也

靈厥心痛與背相控善瘳如從後觸其心僂僂者腎心痛也先取京骨崑崙發針不已取然谷

厥病篇下同

心痛引背灸刺法有四

其一取足太陽經刺節云取京骨崑崙者是其穴也蓋足太陽之正循脊當心入散絡故心痛引背取之也

其二取足少陰經刺節云取京骨崑崙不已取然谷者是其穴也又經云腎足少陰經之脈所生病者煩心心痛視盛虛熱寒陷下取之也又經云心痛引腰脊欲嘔取足少陰者是也蓋足少陰脈貫脊絡心故亦治心痛引背也其三取足少陽經云心痛引背不得息刺足少陰不已取少陽者是也蓋手少陽之脈散絡心脈又三焦下俞曰委陽是足太陽絡足太陰循脊當心入散絡故亦治心痛引背也

其四取督任脈經云背爲心相控而痛所治天突與十椎及上紀上紀者胃脘也下紀者關元也又云心痛當九節刺之按已次按之立已不已上下求之得之立已者是也蓋十椎與九節者督脈也胃脘與天突者任脈也厥心痛腹脹胸滿心尤痛甚者胃心痛也取之太都太白血痛兼脹灸刺法有二

其一取足太陰經云取太都太白者是其穴也又經云脾足太陰之脈是動則病胃脘痛腹脹所生病者煩心心下急痛者視盛虛熱寒陷下取之又云心痛腹脹噤噤然大便利取足太陰者是也蓋足太陰脈從胃上膈注心中故心痛腹脹者取之也

其二取足陽明經云胃病者腹脹胃脘當心而痛飲食不下取之三里者是也蓋胃脘當心痛者似心痛實非心痛

也

厥心痛如以錐針刺其心心痛甚者脾心痛也取之然谷太谿

脾心痛而取然谷太谿者故孫真人張潔古謂之妄經也

厥心痛色蒼蒼如死狀終日不得太息肝心痛也取之行間太衝

心病色蒼如死狀者取肝其兼小腸滿便澀難者亦取肝經云心痛引少腹滿上下無常處便澀難刺足厥陰是也

厥心痛臥若徒居心痛間動作痛益甚色不變肺心痛也取之魚際太淵

徒居謂間居間謂痛緩心痛臥與間居則痛緩動作則

益甚者取肺其兼短氣者亦取肺經云心痛但短氣不足
足以息刺手太陰者是也

心痛不可刺者中有盛聚不可取于脘腸中有虫瘕及蛟
蛸皆不可取以小針心腸痛懷作痛腫聚往來上下行痛
有休止腹熱喜渴涎出者是蛟蛸也以手聚按而堅持之
無令得移以大針刺之久持之虫不動乃出針也

集九種心痛 間使、靈道、公孫、太衝、三里、陰
陵泉、

桑心氣痛 巨缺、雄尾各取一抔、興隆海之

撮脾脊後心疼痛 中渚瀉之忌補、灸心痛背上穴、心俞

一高俞

瀝心痛脈弦肝原穴、脈沉腎原穴、脈瀼肺原穴、脈
浮心原穴、脈緩脾原穴

摘冷心痛、巨缺燭針刺之如五臟氣相干而脇痛

玉心脾疼、上腕二寸中腕二寸半補多瀉少

甲心痛不可按煩心巨缺主之、心痛有虫多涎不得反

側上管主之、心痛上搶心不欲食支痛引肩建里主之

撮心胸痛并氣攻、勞宮、大陵各三分內關

甲心痛善悲厥逆懸心如飢之狀心恒而驚太陵及間使

主之、心寒痛難以悅仰心痛衝胃死不知人中腕主之

心痛衄噦嘔血驚恐畏人神氣不足郄門主之

離陰維為病苦心痛內關穴

甲脾逆氣寒厥急煩心善唾噦噫胸滿噉呼胃氣上逆心

痛太淵主之針云肺心膨痛尺澤主之千金云心煩悶

息心痛卒欬逆尺澤主之出血立已、胸痺心痛肩內

麻木天井主之、胸脇背相引而痛嘔吐不食幽門主之

診

胸痺心痛不得息痛無常處臨泣主之

千金云不得反側

凡心痛雖日數多不喫飯不死若痛止便喫物還痛必須三五服藥方可喫物 心痛左手脈數熱多脈濇有死血右手脈實是痰積 脈大必是久病 兩手脈堅實不大便者下之 痛甚者脈必伏多用溫藥附子之類不可用參朮

心脈微急為心痛引背食不下

全文見希虛實法

熱則生面赤脈洪大者主重

仲問曰病腹痛有虫其脈何以別之師曰腹中痛其脈當沉若弦反洪大故有虵虫 脾脈微滑為蟲毒蝮蝎腹熱

全文見治虛實法

脈關上脈緊而滑者虵毒 脈沉而滑者寸白 肘後麗

以下三四寸熱者腸中有虫

全文見診

真心痛手足青至節

心痛甚旦發夕死夕發旦死

寒

卒心痛

竹治急心疼方

斑猫

七箇要

胡椒

四十粒

右將二味同炒令斑猫焦碎吹去斑猫不用却將淨胡椒研為細末只作一服熱酒調下不拘時候

治暴心痛不可忍者

荔枝核

丹溪云荔枝核

性溫

熟

右為末每服一錢水醋各半盞煎七分稍熱服

治卒心痛黃連八兩一味咬咀水七升煮五升絞去查

溫飲五合日進三服

卒心痛龍膽草四兩酒三升煮一升半頓服

仲走馬湯治中惡心痛腹脹大便不通

巴豆

二枚去

杏仁

二枚

實

熱

有聖

右二味以綿纏槌令碎熱湯二合捻取白汁飲之當下
老少量服通治飛尸鬼擊等病

雜方

竹海上方急救男子婦人心疼牙關緊欲死者用隔年陳
蔥白三五根去皮須葉搗爲膏將病人口幹開用匙將膏
送入咽喉用香油四兩灌送下油不以多少但得蔥下喉
其人必甦少時將腹中所停虫病等物化爲黃水微得利
爲佳除根永不再發累效一方用真香油頓服一盞亦妙
附治卒心痛白艾成熟者一升水二升煮取一升去查頓
服若爲客氣中者當吐虫丹溪云艾屬火而有水服多者有毒發

治卒心痛東引桃枝一握切碎以酒一升煎去半升頓服
大效

針灸

經云邪客于足少陰之絡令人卒心痛暴脹胸脇支滿無
積者刺然骨之前出血如食頃而已不已左取右右取左

病新發者五日已

摘卒心痛不可忍

上腕八分先補後瀉覺針下氣行如

氣海

湧泉

無積者刺之如食頃而已有積者先飲藥利之刺之立已如不已再刺後穴

間使 支溝 三里

丹鍼灸經治卒心痛不可忍吐冷酸水及原臟氣少灸足

大指次指內約文中各一壯如小麥大下火立瘳

甲卒心痛癭癭互相引肘內廉痛心敖敖然間使主之

卒心痛汗出大敦主之出血立已 心腹中卒痛而汗出

石門主之

胎前心痛

天治姙娠卒心痛氣欲絕

川芎

當歸

茯苓

厚朴

各等分

右水六升煎二升分二服

血虛

白木散治妊娠卒心痛欲死不可忍者

白木

赤芍藥各二兩 黃芩一兩

右水六升煮取二升半分三服半日令盡微下水令易

產忌桃李雀肉

產後心痛

羅火龍散治產後心痛

艾葉

鹽炒

茴香

炒

川練子

炒各一兩

右為末水煎服

大治婦人血崩心痛甚者名曰殺血心痛小產下血過多

而心痛者亦然用烏賊魚墨炒為末醋湯調下此魚腹多有墨汁見

人過必吐其墨以蔽身

失笑散治心腹痛百藥不效服之即愈

方見心痛

救治產後血不盡心腹痛荷葉熬令香為末水煎下方寸

汚血

濁氣

產熱

寒

七

大品蜜湯治產後血寒心痛

熟地

當歸

獨活

吳茱萸

芍藥

乾薑

甘草

桂心

小草

各一兩

細辛

半兩

右為散每服半兩水三盞煎至一盞去查稍熱服

聖治產後惡血衝心痛氣悶欲絕用桂心三兩搗羅為散狗膽汁和丸如櫻桃大不拘時候熱酒磨下二丸

諸般氣痛

大法

丹氣痛一身腔子裏氣痛少用水香於藥內行得開

河正氣天香散治婦人一切諸氣或上奏心胸或攻築脇肋腹中結塊發渴刺痛月水不調或眩暈嘔吐往來寒熱

減食

方見治虛寒氣血條

丹調氣方

香附四兩

人參一兩

烏藥二兩

砂仁一兩

甘草二兩

右為細末熟湯調服

本治脾積氣婦人諸般氣痛

香附五兩

蓬朮醋炙

甘草各二兩

右各淨研為細末每服二錢入鹽少許白沸湯空心熱服

治一切氣疾丈夫婦人撞心冷氣並皆治之

香附

一斤炒去毛

陳皮四兩

甘草生一兩

右為細末每服二錢空心鹽湯點服

丹寬中丸 枳殼為末酒糊丸

婦人患氣痛喜食熱物 二陳湯加木通薑五片煎下保

和丸

溫養
女子患氣痛要揉者曾服烏沉湯有效又再發

陳皮六錢半

半夏

青皮兩半

芍藥二錢

木通

川芎

茱萸一錢

甘草五分

右分五貼薑三片煎服

明五院君出外怒婦脇痞痛不思食脈沉弦稍數此氣抑不通也

半夏三錢

青皮

枳殼各二錢

黃芩

芍藥各錢半

木通

甘草各一錢

右薑三片煎取半盞下保和丸三十粒

三七嫂怒後氣痛脈沉不思食

青皮一錢

柴胡半錢

甘草二錢

半夏一錢

黃芩五分

木通三錢

陳皮五分

右薑三片煎服

熱 感村婦人五十七歲氣痛不可按漸漸痛至足

青皮

芍藥各三

川芎

陳皮各三

黃柏炒

木通各一

甘草些

右分三貼煎熱飲

寒

效 本治婦人室女血氣刺痛不可忍日夜叫喚可憐者一服

芸薹子

肉桂板桂

良薑

沒藥各等

右焙乾為末每服三錢乳香湯調下熱服不拘時候

孟詵心腹中結伏氣杏仁陳皮桂心訶黎勒皮為丸空心

服三十九

實積

本和氣散治男婦一切氣疾他藥不瘳者

甘草炙半

白芨兩

地骨皮

山蜈蚣

藿香

半兩

白芷

一兩

木香

紅內消

山慈菴

各半兩

右焙乾爲末每服二大錢空心鹽湯點服余鄉村有一老醫救世習醫凡婦人氣疾惟憑此藥百發百中

胃病胃滿

心病

經云南風生於夏病在心俞在胃脇又云仲夏善病胃脇此則胃脇痛屬心故入心部

肝病

肝虛則胃痛引背脇肝實則胃痛不轉側喜太息肝著則常欲蹈壓其脅經云春脈如弦其氣不實而微此謂不及令人胸痛引背下則兩脇脹滿此肝虛而其脈症見於春如此也

仲肝中寒者兩臂不舉舌本燥喜太息胃中痛不得轉側食則吐而出汗也 肝著其人常欲踏其胃上先未苦時

但欲飲熱旋覆花湯主之

方未考金匱婦人門有
旋覆花湯方或云是此

素陽明所謂胸痛短氣者水氣在臟腑也水者陰氣也陰

氣在中故胸痛少氣也

仲胸痺之病喘息咳嗽胸背痛短氣寸口脈沉而遲關上

脈沉遲者寒者虛痰

小緊數者宜以括萎薤白白酒湯主之

括萎實一箇薤白半升白酒七升

右三味同煮取二升分溫再服

括萎薤白半夏湯治胃痺不得臥心痛徹背

方見心
痛門

胃痺心中痞留氣結在胸胸滿脇下逆搶心枳實薤白桂

枝湯主之人參湯亦主之

枳實薤白桂枝湯

枳實四枚厚朴四兩薤白半斤桂枝一兩

括萎實一箇

右五味以水五升先煮厚朴枳實取二升去渣納諸藥煮數沸分溫作三服

人參湯

白朮

人參

甘草

乾薑

各二兩

右四味以水八升煮取三升溫服一升日三服

按之滿
痛者熱
痰實痰孫主簿季述之母患胸中痞急不得喘息按之則痛脈數且濇曰胃痺也因與仲景三物小陷胸湯一劑和二劑愈

方見
傷寒

仲支飲胸滿者枳朴大黃湯主之

厚朴

兩一

大黃

兩六

枳實

兩四

右三味水五升煮取二升分溫再服

痰難勞

脈寸口脈沉胸中引脇痛胸中有水氣宜澤漆湯及刺巨

關瀉之

澤漆湯仲景方也見咳門

杜壬治胃腸痛徹背心腹痛滿氣不得通及治痰咳大括
萎去穰取子熟炒連皮研和麪糊爲丸如桐子大米飲下
五十九

汚血

平治胸腹腫滯去痰開胃用半夏洗淨焙乾搗羅爲末生
薑自然汁和爲餅子用濕紙裹於慢火中煨令香熟水一
盞用餅子一塊如彈丸大入鹽半錢煎取一盞溫服能去
胸膈壅滯大壓痰毒及治酒食所傷其功效大矣

丹鄭仲游年二十有三身有一點相引痛吸氣皮覺急

滑石兩

桃仁半兩

枳殼一兩

黃連半兩

甘草錢二

右爲細末每錢半以蘿蔔根自然汁研煎熟飲之一日
五六次

仲本年二十七因吃熱補藥又妄自學吐納以致氣亂血

表

熱嗽血消瘦遂與行倒倉法今嗽血消瘦已除因喫炒薑
米膈間有一點氣梗痛似有一條絲垂映在腰與小腹亦
痛大率偏在左邊此肝部有惡血行未盡也

滑石

兩

黃丹

三錢

枳殼

炒一兩

黃連

五錢

生甘草

二錢

紅花

一錢

柴胡

五錢

桃仁

兩

右爲細末每服一錢半以蘿蔔自然汁煎沸服之

頃上清散清利頭目寬快胸中不利者悉利於表

黃芪

三錢

甘草

二錢

人參

三錢

葛根

一錢

防風根

一錢

蔓荊子

半錢

右咬咀分作二服每服水一盞半煎至一盞去渣臨臥

溫服以夾衣蓋覆面背不語須臾汗出爲效未服藥預

一日不語如服藥畢亦一日不語

運氣胸痛有二

便氣

其一火邪助心經云歲火太過甚則胸中痛脇支滿脇痛
膺背肩胛兩臂內痛是也

其二金邪傷肝經云歲金太過民病胸痛引背兩脇滿且
痛引少腹又云歲土不及風乃大行民病體重腹痛金復
則胃脇暴痛引少腹者是也

內經灸刺胸痛有四

針灸

其一取心經云心痛者胸中痛脇支滿脇下痛膺臂肩胛
間痛兩所臂內痛實則胸腹大脇下腰子相引而痛取其
經少陰太陽舌下血者其變病刺郄中血者是也

其二取腎經云腎虛則胃中痛大腹小腹痛取其經少陰
太陽血者按刺法不分補瀉但言取血王註謂先去血脈
後調虛實也

其三取膽經云膽足少陽脈所生病者胸脇肋髀膝外皆

痛詳盛虛熱寒陷下取之也

其四取筋經云手心主之筋其病當取過者又轉筋前及胸痛息責治在燔針劫刺以知爲數以痛爲輸又足太陽之筋足少陽之筋痛皆引胸痛治在燔針劫刺以知爲數以痛爲輸也

灸刺胃滿有三法

其一取氣海經云膻中者氣之海其輪上在手柱骨之上下前在於人迎氣海有餘者氣滿胸中悅息面赤番守其輪而調其虛實無犯其害是也

手柱骨滑伯仁謂肩井上際會穴是穴也

其二取肝經云肝足厥陰脈所生病者胸滿嘔逆飧泄狐疝遺溺閉癰詳盛虛熱寒陷下取之也

其三取胃經云厥逆腹滿面腫唇漂漂然暴言難甚則不能言取足陽明是也

集胸脇痛不堪

期門分四

章門分五

七壯

行間

丘墟、湧泉

東又法

期門沿皮二寸

支溝

膽俞

沿皮一寸五分

甲胸滿痛璇璣主之

胸脇痞滿痛引胸中華蓋主之

胸脇痞滿痺痛骨疼飲食不下嘔逆上氣煩心紫宮主之

胸中滿不得息脇痛骨疼喘逆上氣嘔吐煩心王堂主

之胸脇背相引痛心下胸中嘔吐多睡飲食不下幽門

主之胸脇痞滿痛引膈不得息悶亂煩滿不得飲食靈

墟主之胸脇痞滿劫引背痛臥不得轉側胸鄉主之

大氣不得息息即胸脇中痛實則其身盡寒虛則百節盡

縱大包主之胸滿善太息胸中膨膨然丘墟主之千金云胸

急胸中痛天容主之胸脇痞滿勞宮主之胸痺引

背時寒間使主之胸滿不得息頸領腫陽谷主之千金云陽

竅

胸脇痞滿膈塞飲食不下嘔吐食後還出中庭主之

胸脇痞滿痰引膈腹脹短氣煩滿巨關主之

胸脇痞滿不得息咳逆乳癰洒淅惡寒神封主之 胸脇

痞滿膈逆不通呼吸少氣喘息不得舉臂步廊主之 胸

脇痞滿惡聞人聲木音巨虛上廉主之 胸下滿痛膺腫

乳根主之 胸脇痞滿喘逆上氣呼吸喘息不知食味氣

戶主之 胸脇脹腸鳴切痛太白血主之

穢胸滿血脹

期門

一分沿皮向外一寸五分瀉

甲傷食脇下滿不能展轉反側目青而嘔期門主之 暴

脹胃脇痞滿足寒大便難面唇白時時嘔血太衝主之

胸中暴滿不得眠轍筋主之 胸脇痞滿寒如風吹狀俠

溪主之 胸脇滿頭痛項內寒熱外丘主之 多臥善睡

胸滿腸鳴三間主之

診

氣

仲脈當取太過不及陽微陰弦即胸痺而痛所以然者極
虛也今陽虛知在上焦所以胸痺心痛者以其陰弦故也
白色麤理者肺大肺大則多飲善病胸痺全文見診下同
脇偏踈者肺偏傾肺偏傾則胸偏痛

胸痺短氣緩急

仲胸痺胸中氣塞短氣茯苓杏仁甘草湯主之橘枳薑湯

茯苓杏仁甘草湯

茯苓二兩

杏仁五十箇

甘草一兩

右三味以水一斗煮取五升溫服一升日三服

橘枳薑湯

陳皮一斤

枳實三兩

生薑半斤

右三味以水五升煮取二升分溫再服

寒

于治胸痺氣滿癰心脇不利枳實二兩麩炒微黃為末非時以清粥飲調下二錢聖惠方同

仲胸痺緩急者薏苡仁附子散主之

薏苡仁十五兩大附子十箇

右二味杵為散服方寸匕日三服

煩燥 虛煩 胎前虛煩 產後虛煩 躁 懊懣

瞢悶

大法

垣煩躁發熱論 黃帝針經五亂篇云氣亂於心則煩心

蜜默俛首靜伏云云氣在於心者以少陰心主之俞又云

咳喘煩寃者是腎氣之逆也又云煩寃者取足少陰又云

煩寃者取足太陰仲景分之為二煩也躁也蓋火入於肺

則煩入於腎則躁俱在於腎者以道路通於肺母也大抵

煩躁者皆心火為病心者君火也火旺則金燥水虧惟火

獨存故肺腎合而爲煩躁又脾經絡於心中心經起于脾中二經相搏濕熱生煩夫煩者擾擾心亂兀兀欲吐怔忡不安躁者無時而熱冷汗自出少時則止經云陰躁者是也仲景以梔子色赤而味苦入心而治煩鹽豉色黑而味鹹入腎而治躁名梔子豉湯乃神藥也若有宿食而煩者梔子大黃湯主之

運氣

運氣煩躁有二

一曰熱助心火煩躁經云少陰之復燠熱內作煩躁鼽嚏又云少陽之復心熱煩躁便數憎風是也

二曰寒攻心虛煩躁經云歲水太過寒氣流行邪害心火病身熱煩心躁悸陰厥是也

參

成煩爲擾而煩躁爲憤躁之躁合而言之煩躁爲熱也析而言之煩陽也躁陰也煩爲熱之輕者躁爲熱之甚者

無內熱曰煩外熱曰躁

謹按先賢治煩躁俱作有屬熱者有屬寒者治獨煩不躁者多屬熱惟悸而煩者爲虛寒治獨躁不煩者多屬寒惟火邪者爲熱蓋煩者心中煩胸中煩爲內熱也躁者身體手足躁擾或裸體不欲近衣或欲在井中爲外熱也內熱者有本之熱故多屬熱外熱者多是無根之火故屬寒也

內外俱虛身軀冷而汗出微嘔而煩擾手足厥逆軀不得安靜者死熱病七八日其脈微細小便不利加暴口躁脈代舌焦乾黑者死

虛煩

活人云虛煩似傷寒非傷寒也成無已云傷寒有虛煩有心中煩有胸中煩二說不同攷之於書成無已之言實出

診法

仲景活人無據然往往有非因傷寒而虛煩者今故兩存之立虛煩一門於此心部立傷寒煩一門於傷寒部

無虛煩身不覺熱頭目昏疼口乾咽燥不渴清清不寐皆虛煩也

傷保起臥不安睡不穩謂之煩宜梔豉湯竹葉石膏湯二方並見

但煩熱者清肺去痰

法云但獨熱者虛煩也諸虛煩熱與傷寒相似但不惡寒身不疼痛故知非傷寒也不可發汗頭不痛脈不緊數故知非裏實也不可下病此者內外皆不可攻攻之必遂煩渴當與竹葉湯若嘔者與陳皮湯一劑不愈再與之孫真人云此法數用有效

陳皮湯

陳皮一兩

甘草炙五錢

人參一分

竹茹五錢

煩熱冲
心亂者
安神

右劉如麻豈大每服五錢水一盞半薑三片枣一枚煎至七分去查食前服

無淡竹茹湯治心虛悶頭疼短氣內熱不解心中悶亂及婦人產後心虛驚悸煩悶欲絕

麥門冬

去心

小麥

各二兩半

甘草

炙一兩

人參

白茯苓

各一兩半

半夏

湯洗二兩

右劉散每服四錢水二盞薑七片枣三枚淡竹茹一塊如指大煎至七分去查食前服

垣朱砂安神丸治心亂煩熱怔忡心神顛倒兀兀欲吐胸中氣亂而熱有似懊懣之狀皆膈上血中伏熱蒸蒸不安宜用權法以鎮陰火之浮行以養上焦之元氣用甘草之甘溫補之當歸生地又為長生陰血之聖藥黃連去心煩除濕熱朱砂納浮游之火而安神明

朱砂

一錢 研水飛

黃連

淨酒炒 一錢半

甘草

炙五 分

生地

當歸頭各一錢

右為極細末蒸餅為丸如黃米大每服十九津下

下痢後煩者吐之

仲下痢後更煩按之心下濡者為虛煩也梔子豉湯主之

煩而汗出不解者刺之飲湯

方見傷寒部煩門

煩而汗出不解者刺之飲湯

盡帝曰有病身熱汗出煩滿煩滿不為汗解此為何病岐

伯曰汗出而身熱者風也汗出而煩滿不解者厥也病名

曰風厥帝曰愿卒聞之岐伯曰巨陽主氣故先受邪少陰

與其為表裏得熱則上從之從之則厥也帝曰治之奈何

岐伯曰表裏刺之飲之服湯評熱論刺謂針足太陽六陰也飲之服湯謂仲景止逆下

氣榮門冬湯之類也

丹一女子年二十餘歲在室素強健六月間發煩悶困憊

煩者入井脈伏心熱者

不食發時欲入井六脈皆沉細而弱數兩日後微渴衆以

煩者入井脈伏心熱者

煩者入井脈伏心熱者

煩者入井脈伏心熱者

下之

為病暑治不效四五日加嘔而人瘦手心極熱喜在陰處
漸成伏臘時妄語予急制局方妙香丸如桐子大以井水
下一丸半日許大便藥已出病無退減遂以麝香水洗藥
以針穿三竅次日以凉水送下半日許大便下稠痰數升
是夜得睡困頓伏枕旬日而愈因記金匱云昔肥而今瘦
者痰也遂作此藥治之

辰砂

飛研五兩

牛黃

龍腦

膩粉

麝香

研各一兩

金箔

九十片

巴豆

三百十五粒去尖膜炒熱研

右令研勻煉黃蠟六兩入好蜜三分同煉令勻為丸每
兩作三十九如要此藥速行針刺一眼子冷水浸少時
服效更速小兒百病丸如菴荳大

煩不得眠者

無

溫膽湯治大病後虛煩不得眠方見不得眠門

虛

仲酸枣湯治虛勞虛煩不得眠

方見不得眠門

右九法治熱煩前五法煩熱怔忡知熱在心肺也故用竹葉石膏辰砂鎮墜其熱使下行也第六法煩而下利知熱在上也故用梔豉湯吐之第七法煩而汗出不解知表裏有邪也故用表裏飲湯第八法脈沉口渴手心熱知熱不在表也故用妙香丸下之第九法溫膽酸枣治不得眠也

煩皆生於虛

凡心虛則煩心肝腎脾虛亦煩心經云夏脈者心也其不及者令人煩心又云肝虛腎虛脾虛皆令人體重煩冤者是知煩多生於虛也

運氣

運氣煩有五

一曰熱助心實而煩經云少陰司天熱淫所勝病胃中煩熱噎乾又云少陽司天火淫所勝病煩心胃中熱又云少

陽之勝煩心心痛治以鹹寒是也

二曰心從制而煩經云太陽司天寒氣下臨心氣上從寒清時舉火氣高明心熱煩是也

三曰金攻肝虛而煩經云歲金太過燥氣流行肝木受邪民病體重煩寃是也

四曰土攻腎虛而煩經云歲土太過雨濕流行腎水受邪民病體重煩寃又云歲水不及濕乃大行民病煩寃足痿是也

五曰木攻脾虛而煩經云歲木太過風氣流行脾土受邪民病體重煩寃蓋肝虛腎虛皆令人體重煩寃故金太過則肝虛土太過則腎虛木太過則脾虛凡此三太過之歲則肝腎脾受邪而虛皆病體重煩寃也

灸刺煩心有四

其一取心俞經云心主手厥陰心包絡之脈所生病者煩心心痛掌中熱詳盛虛熱寒陷下取之又云氣亂于心則煩心密默俛首靜伏取之手少陰心主之腧是也

其二取腎膀胱俞經云腎足少陰之脈所生病者煩心心痛痿厥足下熱痛視盛虛熱寒陷下取之又云舌縱涎下煩惋取足少陰又云足少陰之別名曰大鍾當踝後繞跟別走太陽其病氣逆則煩悶取之所別也又汗出煩滿不解表裏取之巨陽少陰也

其三取肺俞經云手太陰之脈所生病者煩心胃滿視盛虛熱寒陷下取之又云振寒洒洒鼓頤不得汗出腹脹煩冤取手太陰是也

其四取脾俞經云脾足太陰之脈所生病者煩心心下急痛溏瘕泄水閉視盛虛熱寒陷下取之是也

胎前虛煩

大竹葉湯治妊娠苦煩悶名曰子煩。

防風

黃芩

麥冬去心各二兩

白茯苓四兩

右剉散每服四錢水二盞竹葉十數片煎七分去查溫服之。

益母丸治子煩似虛不得臥者。

即知母丸但用參肉為丸以人參湯下方見日月

數未足欲查明

治子煩口乾不得臥用黃連去鬚為細末每服一錢粥飲調下

產後虛煩

無心

大治產後餘血不盡奔心煩悶生藕汁飲二升甚效。竹瀝亦得

治產後餘血攻心或下血不止心悶面青冷氣欲絕羊血一盞頓服如不定更服立效。

產後血虛煩生地黄汁清酒各一盞相和煎一沸分

服服之

治產後虛煩用蒲黃以東流水和服方寸匕極良

治產後短氣欲絕心中煩悶竹葉湯

煩短氣欲絕者補之

竹葉切

麥門冬

小麥升各一

甘草兩

生薑兩二

大棗十四

右切以水一斗煮竹葉小麥至八升去渣納餘藥煮取

三升去渣溫服虛悸加人參二兩少氣力加糯米五合

產後虛煩不得眠芍藥梔子湯

煩不得眠者吐之

芍藥

當歸

梔子各五錢

香豉半合

右如梔子豉湯修服產後傷寒便同下後變証此方雖

不若仲景酸

大竹葉湯方見

熱

快可去

經治產後煩躁，禹餘糧一枚，狀如酸餚者，入地埋一半，四面繫築，用炭一秤發頂火一斤，煨去火三分，耗二為度，用濕沙土覆一宿，方取出，打去外面一重，只使裏內細研水淘澄，五七度將帛襯乾，再研數千遍，用甘草煎湯調二錢，七只一服，立效。

四肢煩
熱者為
表

仲二物黃芩湯：婦人在草褥，自發露得風，四肢苦煩，熱頭痛者，與小柴胡湯，頭不痛但煩者，此湯主之。小柴胡湯方見傷寒

黃芩一分

苦參二分

乾地黄四分

右三味以水八升，煮取二升，溫服一升，多吐下重。

婦人產中虛煩，亂嘔逆，安中益氣竹皮大丸主之。

生竹茹二分

石膏二分

桂枝一分

甘草七分

白薇一分

右五味末之，棗肉和丸，彈子大，以飲服，一九日，二夜二

服有熱者倍白薇煩喘者加栝實一分

躁

口渴子心熱服

諸躁狂越皆屬於火

全文見診○丹溪治一女子煩欲入井中口渴心熱服栝實者妙香九下之

伏屬火

之躁也

不渴平不熱服

陰盛發躁名曰陰躁欲坐井中宜以熱藥治之

成無已云雖躁欲坐

虛為發

井中但欲水不得入口是也

垣陰躁之極欲坐井中陽已先亡醫猶不悟復指為熱重

以寒藥投之其死也何疑焉况寒涼之劑入腹周身之火

得水則升走矣

活潏潏散

方見煩燥

診躁法

見煩躁

懊憹

診

懊憹虛煩之劇者治法並見虛煩門成無已云懊者懊惱之懊憹者鬱悶之貌即心中懊憹惱惱煩煩懊憹鬱鬱然

不舒暢憤然無奈比之煩悶而甚者懊懣也

瞢悶

瞢悶亦虛煩之甚者治法並與傷寒虛煩同蓋瞢者昏也悶者煩也凡瞢而不悶者名曰昏迷悶而不瞢者名曰虛煩今日瞢悶者謂昏迷虛煩併病許學士所謂懊懣終夕不得臥心中無曉會處者是也

運氣

運氣瞢悶者屬內熱經云火鬱之發民病瞢悶懊懣又云太陽司天之政三之氣寒氣行民病心熱瞢悶不治者死是也

譫妄

附中暑尸
狂等症

產後譫妄

產後循衣撮

空

虛者

丹虛病瘵病有似鬼祟論血氣者身之神也神既衰乏邪因而入理或有之若夫血氣兩虧痰客中焦妨碍升降

不得運用以致十二官各失其職視聽言動皆有虛妄以邪治之其人必死吁哉冤乎誰執其咎憲慎之子傳兄年十七八時暑月因大勞而渴欲飲梅漿又連得大驚三四次妄言妄見病似鬼邪診其脈兩手皆虛弦而帶沉數予曰數爲有熱虛弦是大驚又梅漿之酸鬱於中脘補虛清熱導去痰滯病乃可安遂與人參白朮陳皮茯苓連等藥濃煎湯入竹瀝薑汁與旬日未效衆皆尤藥之不對予脈之知其虛之未完與痰之未導也仍與前方入荆瀝又旬日而安外弟戚一日醉飽後亂言妄見詢之係伊亡兄附體言出前事甚的乃叔在邊叱之曰非邪乃食魚生與酒太過痰所爲耳灌鹽湯一大碗吐痰一二升汗因大作歷一宵而安金氏婦壯年暑月赴筵歸乃姑詢其坐次失序遂赧然自愧因此成疾言語失倫其中多間一句

曰奴奴不是脈大率皆數而弦予曰此非邪乃病也但與
補脾清熱導痰數日當自安其家不信邀數巫者噴水而
呪之旬餘而死或曰病非邪而以邪治之何遽至於死予
曰暑月赴宴外境蒸熱辛辣適口內境鬱熱而况舊有積
痰加之愧悶其痰與熱何可勝言今乃驚以法尺是驚其
神而血不寧也噴以法水是瀋其體密其膚使汗不得泄
汗不出則蒸熱內燔血不寧則陰消而陽不能獨立也不
死何爲或曰外臺秘要有禁呪一科庸可廢乎予曰移精
變氣乃小術耳可治小病若內有虛邪當用正大之法自
有成式昭然可攷然符水惟隔上熱痰一叩冷涼胃熱得
之豈不暫快亦可取安若內傷而虛助冬令嚴寒符水下
咽必冰胃而致害彼鬱熱在上熱邪在表須以汗解卒得
清冷膚腠固密熱何由解必致內攻陰陽離散血氣乖爭

去死爲近又何訝焉

臣邪哭使冤鬼不安者血氣少也血氣少者屬於心心氣虛者其人多畏合目欲眠夢遠行而精神離散鬼鬼妄行陰氣衰者爲顛陽氣衰者爲狂

本治因驚言語顛錯不能服溫藥宜遠志丸

硃砂

半兩入麝少許同研

金箔

五片

遠志

南星

人參

白附子

白茯苓

酸棗仁

各半兩

右爲細末煉蜜丸如桐子大朱砂爲衣每服三十九薄苛湯下食後臨臥服

茯神散

茯神

乾地黄

白芍藥

川芎

當歸

桔梗

白茯苓

遠志已上等分

運氣

右爲細末每服二錢水二盞燈心束肉同煎至七分不拘時候貫明遠教授母七十四歲因戎爲驚疾如上証服此二方得效

運氣譫妄卽傷寒家譫妄也其病有二

一曰火邪助心經云歲火太過上臨少陰少陽病反譫妄狂越又云火太過曰赫曦其動炎灼妄擾又云少陰所至爲譫妄又云少陰之復振慄譫妄又云少陽之勝心痛煩心善驚譫妄治以鹹寒是也

二曰寒邪傷心經云歲水太過寒氣流行邪害心火病身熱煩心躁悸陰厥上下中寒譫妄上臨太陽渴而妄冒又云陽明司天之政四之氣寒雨降振慄譫妄治以甘熱是也

中風譫

無加減續命湯治中風或歌哭或笑語無所不至

麻黃三兩

人參

桂枝

白朮各二兩

當歸

防己

黃芩

甘草

白芍藥

芩蘄

杏仁各一兩

右剉散每服四大錢水一盞半棗二枚煎七分去查不

以時服

生惡糖

病者卒心腹脹滿吐利不行如乾霍亂狀世所謂中惡是也
由人精神不全心志多恐遂為邪鬼所擊或附着沉沉
默默妄言譫語誹謗罵詈訐露人事不避譏嫌口中好言
未然禍福及至其時毫髮未失人有起心已知其故登高
陟險如履平地或悲泣呻吟不欲見人如醉如狂其狀萬
端但隨方俗攷驗治之

羅八毒赤散治男子婦人染着神鬼謂之鬼疰病

雄黃

礬石

朱砂

牡丹皮

附子炮

藜蘆

巴豆各一兩

蜈蚣一條

右八味爲細末煉蜜爲丸如小豆大每服十九丸冷水送下無時

尸毒

本飛尸者發無由漸昏然而至其狀心腹刺痛氣息喘急脹滿遁尸者停遁在人肌肉血脉之間觸卽發動亦令人心腹脹滿刺痛喘急攻脇衝心瘥後復發沉尸者發時亦心腹絞痛脹滿喘急雖歇之後猶沉痼在人府藏令人無處不惡風尸者在人四肢循環經絡其狀冷躍去來沉沉默默不知痛處衝風則發伏尸者其病隱伏五藏積年不除未發身體都如無患發則心腹刺痛脹滿喘急又有諸尸注候者則是五尸內之尸注而挾外鬼邪之氣流注身體令人寒熱淋漓或腹痛脹滿喘急或礫塊踊起或攣引腰脊或舉身沉重精神雜錯恒覺代謬每節氣改變輒致

大惡積年累月漸至頓滯以至於死死後復易傍人乃至
滅門故為尸疰皆用忍冬藤葉剉數斛煮令濃取汁煎服
日三瘥

太乙神精丹蘇合香丸治此疾第一

因喪驚憂悲哀煩惱感尸氣成諸證變動不已似冷似熱
風氣觸則發用雄朱散

雄黃	朱砂	桔梗	羌活
----	----	----	----

芍藥	當歸 <small>炒</small>	升麻	川烏
----	---------------------	----	----

龍腦	川芎	南星 <small>炮</small>	山梔
----	----	---------------------	----

陳皮	木香	莽草	白朮
----	----	----	----

枳殼	檳榔	黃芩 <small>各等分</small>	麻黃 <small>五分</small>
----	----	-----------------------	----------------------

白僵蚕 <small>炒</small>	虎頸骨 <small>燂</small>	紫蘇子	鬼箭羽 <small>炒等分</small>
----------------------	----------------------	-----	------------------------

蜈蚣 <small>二条酒炙</small>

右爲細末、每服二錢、酒調下、日三服

頃在徽城、日常修合神精丹、一科、庚申、予家一婦人、夢中見二蒼頭、一前一後、手中持一物、前者云、到也、未後應云、到也、擊下、爆然有聲、遂覺、後心一點痛、不可忍、昏悶一時、許予忽憶神精丹、有此一証、取三粒、令服之、少頃已無病矣、云服藥覺痛止、神醒、今如常矣、日後相識、稍有邪氣、與一二服、無不應驗、方在千金中、治中風之要藥、但近世少得、曾青磁石爲難合爾

無還魂湯治卒中惡、奄忽氣絕、口噤不開

方見在中暴厥門與仲景方同

但加桂耳

王五邪湯治邪氣啼哭、或歌、或笑、

禹餘糧

防風

桂心

芍藥

獨活

甘草

白朮

人參

石膏

牡蠣

秦艽各二兩

防已

菖蒲

茯苓

雄黃

蛇蛻皮各一兩

右咬咀每服五錢水三盞煎七分服之

仲大棗湯治婦人悲傷欲哭象如神靈方見肺部悲門

產後譫妄

散血

雲奪命散治產後血暈入心經語言顛倒健忘失志

沒藥

血竭等分

右研細為末產後用童便與細酒各半盞煎一二沸調

下二錢良久再服其惡血自下行一婦人產後譫妄如

此服而愈

候熱

又方治產後敗血衝心發熱狂言奔走脈虛大者

乾荷葉

生地黄

牡丹皮等分

右三味濃煎湯調蒲黃二錢七一服即定

快寒

郭氏論產後乍見鬼神者何荅曰心主身之血脈因產耗傷血脈心氣虛則敗血得積上干於心心不受觸遂致心中煩躁臥起不安乍見鬼神言語顛倒醫人不識呼為風邪如此但服調經散每服加龍膽一捻得睡即安

沒藥

琥珀

並細研

桂心

各一錢

芍藥

當歸

各一分

麝香

細辛

各三分

右為末每服半錢生薑汁溫酒各少許調服

天治方產一日見鬼言語顛倒用蘇合香丸一錢以童便調服即醒

熱

雲治產後發熱狂言奔走脈虛大者四物湯加柴胡如不愈加甘草柴胡生地黃等分煎服亦可

廣治產後血暈心悶不識神言鬼語急欲絕

芍藥

甘草

丹參

各一分

生地汁

生薑汁

升各一

白蜜

合

右水二升先煮三味取八合下地黃生薑汁蜜調分爲二次服

鐘璽

大治產後敗血及邪氣入心如見祟物顛狂用大辰砂一二錢研極細用乳汁三四茶匙許調仍握紫項活地龍一條入藥候地龍滾三滾取出地龍不用不令帶藥出但欲得地龍身上涎耳入無灰酒與前乳汁和合七八分盞重湯溫遇疾作分三二服

虛

栢子仁散治產後狂言亂語皆由內虛敗血挾邪攻心

栢子仁

遠志

人參

桑寄生

防風

琥珀

研另

當歸

生地

焙

甘草

分

右爲麤末先用白羊心一箇切片以水一大盞半先煮

熱

至九分去羊心入藥末五錢煎至六分去渣無時服

循衣撮空

瀉治婦人血風症因大脫血崩漏或前後失血因而枯躁其熱不除循衣撮空摸床閉目不省擲手揚視搖動不寧錯語失神脈弦浮而虛內躁熱之極也氣虛鼻乾不潤上下通躁此為難治宜生地黃黃連湯主之

川芎

生地黃

當歸各七錢

赤芍藥

梔子

黃芩

黃連各二錢

防風一兩

右為散末每服三錢水二盞煎至七分去渣取清飲無時徐徐與之若脈實者加大黃下之

大承氣湯氣藥也自外而之內者用之生地黃黃連湯血藥也自內而之外者用之氣血合病循衣撮空証同自氣而之血血而復之氣大承氣湯下之自血而之氣氣而復

診

之血地黃黃連湯主之二者俱不大便

■病人循衣縫譫語者不可治 病人陰陽俱絕掣衣撮空妄言者死

喜笑不休

心火熱化

喜笑皆屬心火經云心藏神神有餘則笑不休又云在藏為心在聲為笑在志為喜又云精氣併於心則喜又云火太過為赫曦赫曦之紀其病笑狂妄又云少陰所至為喜笑者是也

■笑蕃茂鮮淑舒榮彰顯火之化也故喜為心火之志也喜極而笑者猶燔燥太甚而鳴笑之象也故病笑者心火之盛也

子和路經古宅逢一婦病喜笑不止已半年矣眾人皆無術求治於戴人戴人曰此易治也以滄塩成塊者二兩餘

針灸

用火燒令通赤放冷研細以河水一大碗同煎至三五沸放溫分三次啜之以釵探於喉中吐出熱痰五升次服降火劑火主苦解毒是也不數日而笑定矣內經曰神有餘者笑不休也所謂神者心火是也火得風而煽故笑之象也五行之中惟火有笑常治一老男子笑不休口流涎黃連解毒湯加半夏竹葉竹瀝薑汁而笑止矣

刺灸喜笑獨取心主一經經云心主手厥陰之脈是動則病面赤目黃喜笑不休詳盛虛熱寒陷下取之

健忘

丹健忘精神短少者多亦有痰者

實虛下

靈黃帝曰人之善忘者何氣使然岐伯曰上氣不足下氣有餘腸胃實而心氣虛虛則榮衛留於下久之不以時上

故善忘也

大惑篇

心虛

王孔子大聖枕中方

龜甲

即龜板
占取者

龍骨

遠志

菖蒲

右四味等分爲末酒服方寸七日三服常令人大聰明

衍義云龜甲以其靈
於物象用補心甚驗

治多忘方

菖蒲

一分

茯苓

茯神

人參

各五分

遠志

七分

右五味爲末酒服方寸七日三夜一五日效

局定志丸治善忘安神定志

方見
門

聖千金翼聖惠同補心虛治健忘令人耳目聰明用戊子

日服開心不忘方

菖蒲

遠志

各一分

右搗爲細末服方寸七食後令人耳目聰明從外見裏

及千里外事令人長生去三百病毒不能為害

肝治人心孔惛塞多忘喜誤下酉日密自至市買遠志著巾角中為末服之勿令人知

腎傷

腎盛怒而不止則傷志志傷則喜忘其前言

全文見
診死生

血并於下氣并於上亂而喜忘

全文見
刺虛實

運氣

運氣喜忘皆屬心火虛經云火不及曰伏明伏明之紀其病昏惑悲忘又云太陽司天寒氣下臨心氣上從善忘又云太陽之復其則入心善忘善悲是也

雜方

本草商陸花主人心惛塞多忘喜誤取花陰乾百日搗末日暮水服方寸匕臥思念所欲事即於眼中自覺

針灸

集健忘 列缺 心俞 神門 中脘 三里 少海

診

無髑髏者心高心高則滿於肺中悅而善忘難開以言

全文

見

諸痛門

諸部分痛各入本門如痛風入痺門目痛入目門此特痛之大法耳

寒熱

黃帝問曰予聞善言天者必有驗於人善言古者必有合於今善言人者必有厭於已如此則道不惑而要數極所謂明明也今予問於夫子令言而可知視而可見捫而可得令驗於已如發蒙解惑可得而聞乎岐伯再拜稽首對曰何道之問也帝曰愿聞人之五臟卒痛何氣使然岐伯對曰經脈流行不止環周不休寒氣入經而稽遲泣而不行客於脈外則血少客於脈中則氣不通故卒然而痛帝曰其痛卒然而止者或痛甚不休者或痛甚不可按者或按之而痛者或按之無益者或喘動應手者或心與背相引而痛者或脇肋與小腹相引而痛者或腹痛引陰股

者或痛宿昔而成積者或卒然痛死不知人少間復生者
或痛而嘔者或腹痛而後泄者或痛而閉不通者凡此諸
痛各不同形別之奈何岐伯曰寒氣客於脈外則脈寒脈
寒則縮縊縮縊則脈紕急紕急則外引小絡故卒然而痛
得炅則痛立止因重中於寒則痛久矣炅古迥切熱也寒氣客
於經脈之中與炅氣相薄則脈滿滿則痛而不可按也
寒氣稽留炅氣從上則脈充大而血氣亂故痛甚不可按
也寒氣客於腸胃之間膜原之下血不得散小絡急引
故痛按之則血氣散故按之痛止寒氣客於俠脊之脈
則深按之不能及故按之無益也寒氣客於衝脈衝脈
起於關元隨腹直上寒氣客則脈不通脈不通則氣因之
故喘動應手矣寒氣客於背俞之脈則血脈泣脈泣則
血虛血虛則痛其俞注于心故相引而痛按之則熱氣至

熱氣至則痛止矣

治見心痛

寒氣客於厥陰之脈厥陰之脈

者絡陰器繫於肝寒氣客於脈中則血澀脈急故脇肋與

小腹相引痛矣

治見脇痛

厥陰客於陰股寒氣上及小腹

血泣在下相引故腹痛引陰股

治見腹脇痛

寒氣客於小腸膜

原之間絡血之中血泣不得注於大經血氣稽留不得行

故宿昔而成積矣

治見積

寒氣客於五臟厥逆上泄陰氣

竭陽氣未入故卒然痛死不知人氣復反則生矣

寒氣

客於腸胃厥逆上出故痛而嘔也

治見吐法

寒氣客於小腸

小腸不得成聚故後泄腹痛矣

治見泄下

熱氣留於小腸小

腸中痛癰熱焦渴則堅乾不得出故痛而閉不通矣

治見秘結

帝曰所謂言而可知者也視而可見奈何岐伯曰五臟

六腑固盡有部視其五色黃赤為熱白為寒青黑為痛此

所謂視而可見者也

帝曰捫而可得奈何岐伯曰視其

形氣陰陽

主病之脈堅而血及陷下者皆可捫而得也

俱舉痛論篇

氣傷痛形傷腫故先痛而後腫者氣傷形也先腫而後

痛者形傷氣也

陰陽應象論

靈有形而不痛者陽之類也無形而痛者陰之類也無形而痛者其陽完而陰傷之也急治其陰無攻其陽有形而痛者其陰完而陽傷之也急治其陽無攻其陰陰陽俱動乍有形乍無形加以煩心命曰陰勝其陽此謂不表不裏其形不久

痛隨利減

通則不痛痛則不通又云痛隨利減亦有當隨其經絡而通之則疼痛去矣如輕可去實麻黃葛根之屬是也謂如頭痛當用川芎細辛之類通之則無疑滯痛隨利減也海諸痛為實痛隨利減世多以下之為利也假令痛在表者實也痛在裏者實也痛在血氣者亦實也故在表者汗

之則愈在裏者下之則愈在血氣者散之行之則愈
以利爲下乎作通字訓則可得矣故經曰通則不痛痛則
不通此之謂也

運氣

運氣諸痛皆屬火經云諸疼痛皆屬於火是也

一屬火實經云火鬱之發民病骨痛節乃有動是也

一屬火虛經云火不及曰伏明伏明之紀其發痛是也

禁忌

丹諸痛皆屬火寒涼藥不可峻用必用溫散之藥諸痛
不可用人參蓋補氣氣旺則不通而痛愈甚矣

諸逆衝上

逆氣象陽

全文見五藏

凡氣逆必見象陽症面赤脈洪當以

法降其逆乃愈若以氣象陽盛而用寒藥攻之則不救矣
氣上衝心咽不得息治法見傷寒厥陰病條

秋冬爲
寒春夏

垣如秋冬之月胃脘四道爲衝脈所逆并脇下少陽脈二

道而反上行病名曰厥逆經曰逆氣上行滿脈去形七神昏絕離去其形而死矣其証氣上衝咽不得息喘息有聲不得臥於調中益氣加吳茱萸半錢或一錢觀厥氣多少用之如夏月有此症為大熱也蓋此症隨四時為寒熱溫涼宜以酒黃連酒黃栢酒知母各等分為細末熟湯為丸如桐子大每服二百丸白湯空心下仍多飲熱湯服畢少時便以美食壓之使不得胃中停留直至下焦以瀉衝脈之邪也

寒氣厥逆赤丸主之

茯苓

桂心各四兩

細辛一兩

烏頭

附子

各二兩

射罔如大棗一兩

右六味為末內真珠為色蜜丸如麻子大先食酒飲下三九日三夜一服不知稍增之以知為度一方用半夏四兩不用桂

逆氣五臟皆有

腹引暴
九逆在
心小腸

一曰心小腸經云諸逆衝上皆屬於火又云少腹控辜引腰脊上衝心邪在小腸取之盲原以散之刺太陰以予之取厥陰以下之取巨虛下廉以去之按其所過之經以調之是也

嘔吐逆
在胃

二曰胃經云胃為氣逆是也胃逆有嘔有吐有噦故刺噦吐取中脘三里也刺噦取乳下黑根盡處及臍下三寸皆大驢也治各有本門

喘咳逆
在肺大
腸

三曰肺大腸經云肺苦氣上逆急食苦以泄之又云腹中常鳴氣上衝胃喘不能久立邪在大腸刺盲之原巨虛下廉是也其肺逆曰咳喘取天突人迎泄之也治亦各有門

肝氣逆
在肝
脾逆在
脾

四曰肝經云肝氣逆則耳聾不聰煩腫取血者是也五曰腎即奔豚氣逆脚氣衝心之類是也治亦各有門

氣不得前後逆在腎

六曰腎經云督脈別絡生病從少腹上衝心而痛不得前

針灸

玉腎氣衝心

關元

半寸

帶脈

外二寸

分沿皮向

摘腹有逆氣上衝心腹脹滿不得息

氣衝

右臍下七寸

二十寸動脈應手灸七壯忌針

三里立愈

運氣

運氣厥逆有三

一曰風火經云少陽司天火氣下臨風行于地厥逆腦不

通是也

二曰寒經云水鬱之發善厥逆是也

三曰濕經云太陰司天濕氣下臨厥逆是也

噫飽氣也俗作噫氣

下氣

上下載府

上焦竭善噫何謂也師曰上焦受中焦氣未和不能消是故能噫耳

經云衛出于焦

上焦不降者噫而酢酸

經云不降不至也上

焦之氣不至其部則物不能傳化故噫而辭吞

噫屬心脾及二陽一陰經云心

為噫又云太陰所謂上走心為噫者陰盛而上走於陽明陽明絡屬心為噫故曰上走心為噫也又云二陽一陰發病主驚駭背痛善噫欠也

寒熱

仲旋覆代赭湯治痞而噫

方見傷寒痞門

本心下蓄積痞悶或作痛多噫敗邪氣枳殼散主之

枳殼

白朮

各半兩

香附

兩

檳榔

二錢

右為細末每服二錢米飲調下日三服不拘時候

方見老

丹宣州人與前方証皆除氣上築心膈噫氣稍寬脈之右

關弱短左關左尺長洪大而數此肝有熱宜瀉肝補脾

青皮

白朮

二錢半

木通

甘草

二分

煎下保和丸十五粒抑青丸二十粒

噫氣胃中有火有痰

南星製

半夏

軟石膏

香附

各等分水煎服

運氣

噫有三

一曰熱助心實而噫經云少陰之復噫噦是也

二曰寒攻心虛而噫經云太陽司天寒淫所勝善噫又云

太陽之復唾出清水及為噦噫是也

三曰風攻脾虛而噫又云厥陰在泉風淫所勝腹脹善噫

是也

針灸

針灸噫獨取脾經云脾足太陰之脈是動則病腹脹善噫

視盛虛熱寒陷下取之也

診

仲寸口脈弱而緩弱者陽氣不足緩者胃氣有餘噫而吞

酸食卒不下氣填於膈上

脈寸脈緊寒之實也寒在上焦胸中必滿而噫 跌腸脈

微而澁微無胃氣清即傷脾寒在膈而反下之寒積不消
胃微脾傷穀氣不行食已自噯寒在胸膈上虛下實穀氣
不通為閉塞之病 跌陽脈微澁及寸脈弦而噯者皆屬
寒

全文見
診條

太陰中者腹脹閉噯氣嘔逆

下氣

心虛
下氣屬心虛經云夏脈者心也心脈不及下為氣泄者是
也

腸胃結

河腸胃鬱結穀氣內發而不能宣通於腸胃之外故善噯
而或下氣也

診

診癰癰勞然若氣下泄不止者必死此真氣竭絕腸胃膝
理閉塞穀氣不能宣通於腸胃之外故從腸胃中泄出也

醫學綱目卷之十六